

**21 НОЯБРЯ: Собор святого Архистратига Михаила  
и прочих Безплотных Сил.**

Вечером 20 ноября

Изменяемое №1

На Господи воззвах:

*Стѹх:* Изведи из темницы душу мою, исповедатися имени Твоему.

*Стѹх:* Мене ждут праведницы, дондеже воздаси мне.

*Стѹх:* Из глубины воззвах к Тебе, Господи, Господи, услыши глас мой.

*Стѹх:* Да будут уши Твои внемлюще гласу моления моего.

*Стѹх:* Аще беззакония назиши, Господи, Господи, кто постоит; яко у Тебе очищение есть.

**Глас 4:** Трисолнечнаго Божества предстатель светлейший,/ Михайле, являясь, Архистратиге,/ с Горними силами зовеши, радуясь:/ Свят еси, Отче,/ Свят еси, собезначальное Слово,/ Свят еси, и Святей Душе,/ единая слава, едино царство и естество,/ едино Божество и сила.

*Стѹх:* Имене ради Твоего потерпех Тя, Господи, потерпел душа моя в слово Твое, упова душа моя на Господа.

И вид твой огнен, и доброта чудна,/ Михайле первоангеле,/ невещественным бо естеством преходиши концы,/ исполняя повеления всех Творца,/ силен, в крепости твоей познаваем/ и, источник исцелений храм твой соделовая,/ званием твоим святей почитаемый.

*Стѹх:* От стражи утренния до нощи, от стражи утренния, да уповает Израиль на Господа.

Творяй Ангелы Твоя, якоже писася, дѹхи/ и служащия Тебе пламень огненный,/ посреде чинѹв первенствующа показал еси, Господи, Твоих Архангельских/ Михайла Архистратига,/ Твоим мановением повинующася, Слове,/ и песнь трисвятую/ со страхом возглашающа славе Твоей.

*Стѹх:* Яко у Господа милость, и многое у Него избавление, и Той избавит Израиль от всех беззаконий его.

Ум Предвѣчный свет состави вторый,/ Гавриѣла, Тебѣ причастии Божественными просвещающаго всю вселенную/ и юже от века открывающаго нам/ Божественную и великую истинно тайну:/ во утробе Воплощаемого девственной,/ суща Безтелеснаго и бывша Человека,/ во еже спасти человека.

*Стѣх:* Хвалите Господа вси языцы, похвалите Его вси людие.

Престолу предстоя трисолнечнаго Божества/ и богато осияемь Божественными светлостми,/ испущаемыми непрестанно оттуду,/ сущия на земли, радостно ликующия и благохвалящия тя,/ страстей мглы избави и просвещением уясни,/ Гавриѣле Архистратѣже,/ молитвенниче о душах наших.

*Стѣх:* Яко утвердися милость Его на нас, и истина Господня пребывает во век.

Сокруши свирепства Агарянская,/ на стадо твое часто находящая,/ устами раздоры Церквей,/ укроти бурю безмерных искушений,/ избави бед и обстояний любовь чуждия тя/ и под кров твой прибегающия,/ Гавриѣле Архистратѣже,/ молитвенниче о душах наших.

*Слава, глас 6:* Срадуйтеся нам, вся Ангельская чиноначалия,/ первостоятель бо ваш и наш предстатель,/ великий Архистратѣг,/ в днешний день в честном его храме/ преславно являясь, освящает./ Темже, по долгу воспевающе, тому возопийм:/ покрый нас кровом крил твоих,/ величайший Михайле Архангеле.

*И ныне, Богородичен:* Срадуйтеся нам, вся девственных ликостояния,/ Предстательница бо наша, и Ходатаица,/ и Покров, и великое Прибежище/ в днешний день в честном Ея и Божественном храме/ скорбящия утешает./ Темже, по долгу воспевающе Сию, возопийм:/ покрый ны Божественным предстательством Твоим,/ Пречистая Богородице Владычице.

*<далее см. основной Чин>*

*[Изменяемое №2](#)*

*[Прокимен после «Свете тихий»:](#) См. Прокимен дня *<далее см. основной Чин>**

*[Изменяемое №3](#)*

[Паримии:](#)

*Иисуса Навина чтение (глава 5):*

**Бысть, егда бѣше Иисусъ отъ Иерихона/ и, возрѣвъ очима своимъ, видѣ чловека, стояща предъ нимъ,/ и мечъ его обнаженъ въ руку его./ И, пришедъ, Иисусъ рече ему:/ нашъ ли еси или отъ сопротивныхъ нашихъ?/ Онъ же рече ему:/ азъ, Архистратигъ силы Господни, ныне приидохъ семо./ И Иисусъ падѣ лицемъ своимъ на землю и рече ему:/ владыко, что повелеваеши моему рабу?/ И рече Архистратигъ Господень ко Иисусу:/ разреши сапогъ твой отъ ногъ твоихъ,/ место бо, на немже ты стоиши, свято есть./ И сотвори Иисусъ тако.**

*Судей Израилевыхъ чтѣние (глава 6):*

**Бысть во дни оны,/ укрепися Мадиамъ на сыны Израилевы,/ и ти возопиша ко Господу Богу;/ и се Ангелъ Господень прииде и сѣде подъ дубомъ,/ иже въ Евфрафѣ, въ землѣ Иоаса, отца Езримова,/ и Гедеонъ, сынъ его, млатяше пшеницу на гумнѣ,/ еже бѣжати съ нею отъ лица Мадиамля./ И явися ему Ангелъ Господень и рече къ нему:/ Господь съ тобою, сильный крепостию./ И рече къ нему Гедеонъ:/ во мнѣ, Господи мой, и аще есть Господь съ нами,/ и чесо ради обретоша ны вся злая сия?/ И где суть вся чудеса Его,/ елика повѣдаша намъ отцы наши, глаголюще:/ не изъ Египта ли изведе насъ Господь?/ И ныне отверже ны Господь и предаде ны въ руку Мадиамлю./ И возрѣ на него Ангелъ Господень и рече ему:/ иди въ крепости твоѣй сей/ и спасеши Израиля отъ руки Мадиамли,/ и се послахъ тя./ И рече къ нему Гедеонъ:/ во мнѣ, Господи, въ чемъ спасу Израиля?/ Се тысяща моя хуждша въ Манассии,/ и азъ есмь мни въ домѣ отца моего./ И рече къ нему Господь:/ понеже азъ буду съ тобою,/ и избиеша Мадиамъ, яко мужа единого./ И рече къ нему Гедеонъ:/ и аще обретохъ благодать предъ очима твоима,/ и да сотвориши мнѣ днесь знамение,/ яко Ты глаголеши со мною./ Не отиди отсюду, дондеже приити мнѣ къ Тебѣ,/ и принесу жертву мою,/ и пожру предъ Тобою./ И рече къ нему Ангелъ Господень:/ азъ есмь, и премѣдлю,/ дондеже обратиши ты./ Гедеонъ же видѣ и сотвори козлице отъ козъ/ и четверть муки опресноковъ,/ и вложи съ мясомъ въ кошницу, и юху вли въ горнецъ,/ и изнесѣ къ нему подъ дубъ, и поклонися./ И рече къ нему Ангелъ Господень:/ возми мяса и хлѣбы прѣсныя/ и положи у камене онаго и юху излий./ И сотвори тако./ И прострѣ Ангелъ Господень конецъ жезла, сущаго въ руку его,/ и**

коснёся мясѡм и хлѣбом прѣсным,/ и возгорѣся огонь из камене, и поядѣ мясá и опресноки,/ и Ангел Господень отыде от очей его./ И виде Гедеон, яко Ангел есть Господень,/ и рече Гедеон:/ увы мне, Господи, Господи,/ яко видех Ангела Господня лицем к лицу./ И рече ему Господь:/ мир тебе, не бойся, не умреша./ И созда тамо Гедеон жертвенник Господу/ и назва его мир Господень,/ даже до дне сего.

*Пророчества Исаиина чтение (глава 14):*

Тако глаголет Господь:/ вся земля да вопиет с веселием./ И древа Ливанова да возвеселятся о тебе,/ и кедр Ливановы рекут:/ отнеже ты уснул еси,/ не взыде сейк нас./ Ад доле огорчися, сретив тебе,/ грядущу ти, воздвиге на тя исполины вся,/ начальствовавшия землею./ Аще востали быша от престол своих вси царие язычестии,/ вси отвещают и рекут тебе:/ и ты пленен еси, якоже и мы,/ с нами же причтался еси./ Сиде во ад слава твоя/ и многое твоё веселие,/ под тобою постелют гнилость, и покров твой – черви./ Како спадет с небес денница, завтра возсияющая,/ сокрушися на землю, посылая ко всем языком./ Ты бо рекл еси в помышлении твоём:/ на небо взыду,/ верху звезд небесных поставлю престол мой/ и сяду на горе высочей,/ на горах высоких, сущих к северу./ И взыду выше облаков, и буду подобен Вышнему./ Ныне же во ад сидеши, во основания земли./ И видевшии тя почудятся и рекут о тебе:/ сей человек, смущаяй землю,/ потрясаяй царь,/ положивый вселенную всю пусту,/ и грады ея низложь, и плененных не разреши в дома их./ Все царие язычестии успоша в чести,/ человек в дому своём,/ ты же отвержен будеши в горах, яко мертвец,/ возгнущен со многими мертвцами,/ избодеными мечем, низходящими во ад./ Имже образом риза, кровию намочена, не будет чиста,/ сие же ниже ты будеши чист,/ зане землю мою погубил еси,/ и люди моя поразил еси,/ и не пребудеши в вечное время.

*<далее см. основной Чин>*

*[Изменяемое №4](#)*

*[На литий стихирь, глас 1:](#)*

У́мных сил Архистратізи,/ предстояще непрестáнно Влады́чню Престо́лу,/ моли́теся ко Го́споду/ мир мі́ру дарова́ти/ и душа́м на́шим ве́лию ми́лость.

Чинонача́льник вы́шних сил,/ Михаи́л, первостоя́тель Божество́нных чино́в,/ днесь нас к торжеству́ созва́,/ иже всегда́ с на́ми ходя́й/ и сохраня́й вся от всякаго диа́воля обстоя́ния./ Прииді́те у́бо, празднолю́бцы и христолю́бцы,/ цветы добродете́лей вземше,/ чи́стыми по́мыслы и со́вестию благостоя́нною/ Арха́нгелов собо́р почти́м:/ той бо, непрестáнно Бо́гу предсто́я/ и трисвяту́ю песнь воспева́я,/ мо́лит спасти́ся душа́м на́шим.

*Глас 2:* Невещество́нное существо́,/ У́мных Сил предста́тельствующе/ и трисо́лнечныя сла́вы блиста́ньми/ светодаю́ще вселенней, Архистратізи,/ непрестáнным гла́сом трисвяту́ю песнь воспева́ете./ Те́мже моли́теся спасти́ся душа́м на́шим.

Невещество́нный Престо́л окружа́юще,/ у́мная существа́, Божество́ннии, безтелеснии,/ трисвяту́ю песнь правітелю-Бо́гу/ пла́менными устна́ми поете́:/ Святы́й Бо́же, О́тче безнача́льный,/ Святы́й Кре́пкий, Сы́не собезнача́льный,/ Святы́й Безсме́ртный, Единосу́щный Ду́ше,/ Отцу́ и Сы́ну прославля́емый.

Безтелесными устна́ми и у́мными усты́/ А́нгельстии чіни непрестáнное пе́ние/ прино́сят Твоему́ непристу́пному Божеству́, Го́споди,/ и У́ми чи́стии и служи́телие Твоея́ сла́вы/ хва́лят Тя, Го́споди./ С ни́миже Михаи́л безтелесный,/ и Гаври́л zeló благоле́пнейший,/ и первостоя́телие Го́рних сил,/ Архистратізи А́нгельстии,/ учреді́телие на́ши днесь бы́ша,/ пе́сни пе́сней повелева́юще нам пе́ти/ непристу́пней сла́ве Твое́й, Человеколю́бче,/ Ейже мо́лятся непрестáнно за ду́ши на́ша.

*Сла́ва, глас 4:* О́гненными устна́ми/ пою́т Тя Херуві́ми, Христé Бо́же,/ безтелесными же усты́ немóлчно славосло́вит Тя Арха́нгельский лик,/ Михаи́л же, Архистраті́г Вы́шних сил,/ побéдную песнь непрестáнно прино́сит сла́ве Твое́й./ Той бо нас днесь озари́ к торжеству́ свéтлому/ возбры́цати досто́йне псаломски хвалу́

трисвяту́ю брѣнными устна́ми,/ яко всяческа́я Твоегó хвалѣния испóлнишася,/ и пода́еши мѣру тем вѣлиу мѣлость.

*И ны́не, глас то́йже:* Днесь Боговместѣмый храм – Богорóдица,/ в храм Госпóдень привóдится/ и Захáрия Сию́ подьѣмлет./ Днесь святáя святѣх рáдуются,/ и лик А́нгельский та́инственно торжествует./ С нѣмиже и мы, прáзднующе, днесь с Гаври́лом возопи́м:/ рáдуйся, Благодáтная, Госпóдь с Тобóю,/ имѣяй вѣлиу мѣлость.

*<далее см. основной Чин>*

*Изменяемое №5*

По полиелѣи седáлен глас 8:

Небѣсных чинóв настáвник,/ служѣтель же слáвы Божѣственныхя достóйно быв повелѣнием Зиждѣтеля твоегó,/ христиáном еси́ ходáтай спасѣный,/ невещѣственнойю твоею́ слáвою земнѣя назирáя./ Тѣмже по дóлгу восхваля́ем тя вси,/ Божѣственное твое́ днесь воспѣва́юще торжествó, Миха́иле Архистратѣже,/ моли́ Христа́ Бóга грехóв оставлѣние даровáти/ прáзднующим любóвию святóе твое́ торжествó.

*Слáва, глас 4:* А́нгельстии чѣни со стра́хом предсто́ит Престо́лу Твоему́, Влады́ко Христѣ́ Бóже,/ и, иже оттúду заря́ми прѣсно просвещáеми, песнь Ти немóлчно побѣднóу воспѣва́ют,/ и́хже священными молѣтвами мир мѣру дáруй/ и душáм нáшим вѣлиу мѣлость.

*И ны́не, Богорóдичен:* Чѣстая, и Всенепорóчная, и Неискусомúжная Дѣво Мáти,/ Я́же едина́ безлѣтнаго Сы́на и Сло́ва Бóжия в лѣто порóждши,/ Сегó со Безплóтными честнѣми Небѣсными сѣлами моли́/ даровáти нам очищѣние грехóв и вѣлиу мѣлость.

*<далее см. основной Чин>*

*Изменяемое №6*

Степѣнна, 1-й антифóн 4-го глáса.

Прокѣмен: Творя́й А́нгелы Сво́я дúхи и слугѣ Сво́я пла́мень óгненный. *Стих:* Благословѣ́, душѣ́ моя́, Гóспода, Гóсподи́ Бóже мой, возвелѣ́чился еси́ зело́.

*<далее см. основной Чин>*

*Изменяемое №7*

[По 50-м псалмѣ стихіра](#) *глас 6:*

А́нгели Твои́, Христе́,/ Престо́лу вели́чества во стра́се предстояще/  
и Твои́м светолі́тием прі́сно осиява́еми,/ в вы́шних песнопѣвцы  
Твои́/ и совета́ Твоего́ служи́телие,/ от Тебе́ низпосыла́еми,/ даю́т  
просвещѣ́ния душамъ на́шим.

*<далее см. основной Чин>*

[Изменяемое №8](#)

[Канонъ Безплотныхъ](#) *Глас 8.*

*Песнь 1*

*Ирмос:* Песнь возслѣм, лю́дие,/ чюдному́ Бо́гу на́шему,/ свободи́вшему Изра́иля от  
рабо́ты,/ песнь побѣдную пою́ще и вопи́юще:/ пои́м Тебе́, Еди́ному Влады́це.

Вси воспой́м, ве́рнии,/ вся управля́ющую невещѣственныя Го́рних  
ликѡв чиноначаліа, Трои́цу несозда́нную:/ Свят, Свят, Свят еси́,  
вопи́юще, Бо́же Вседержи́телю.

Положи́л еси́ тва́рей Нача́ло, существѡ́ Безплотное, Тво́рче  
А́нгелов,/ пречі́стый Твой Престо́л окружа́ющее, зва́ти Тебе́:/ Свят,  
Свят, Свят еси́, Бо́же Вседержи́телю.

Ра́дуйся, Гаври́иле, тайновѣ́дче Бо́жия воплоще́ния,/ Миха́иле же,  
чино́в невещѣственныхъ первостоя́телю, непреста́нно зову́ще:/ Свят,  
Свят, Свят еси́, Бо́же Вседержи́телю.

*Богородичен:* Трепещу́ та́инства, Христе́, Твоего́ снизхожде́ния,/ я́ко,  
И́же естество́м Бог, прия́л еси́ от Де́вы роди́тися я́ко Чело́век,/ да  
спасе́ши мир от рабо́ты проти́внаго.

[Други́й канонъ](#) *Глас то́йже.*

*Песнь 1*

*Ирмос:* Колеснице́гонителя́ фара́оня погрузи́/ чудотвори́й иногда́/ Моисе́йский  
жезл, крестообра́зно порази́в/ и раздели́в мо́ре,/ Изра́иля же беглеца́, пеше́ходца,  
спасе́,/ песнь Бо́гови воспева́ющая.

У́мныя Безплотныхъ чино́в ли́ки/ пѣсньми, я́ко служи́тели  
Божѣственныя, прииді́те, восхва́лим, лик совоку́пльше,/ о на́шем  
спасе́нии непреста́нно моля́щихся и о пока́янии на́шем  
сра́дующихся.

И́же А́нгелов началовожди́, и предъизбра́ннии, и чиноначальни́цы  
свѣтлии,/ Безплотныя умы́ днесь воздви́жут к на́верше́нию

праздника светлыя их пámяти,/ с нýmiже кúпно рáдуются человецы,  
пéние Трóице приносяще.

Да возвеселímся со А́нгелы днесь, человецы, духо́вне в рáдости:/  
Гаври́ил бо пáки ны́не благовествúет Цёрквей соединéние/ и  
низложéние всякия протíвныя ёреси/ в пámяти Архистратíгов.

**Богорóдичен:** Ражда́еши сýщее пáче естества́, Пречи́стая,/ в Тебе́  
всэльшееся О́тчее Сло́во Ду́хом Святы́м,/ во дву́бо естества́х и  
хотéниих сýща,/ во Ипостáси же непрелóжно еди́ней,/ Ея́же и зрак  
целу́ем.

### Песнь 3

**Ирмо́с:** Страх Твой, Го́споди,/ всади́ в сердца́ раб Твои́х/ и бúди нам  
утверждéние,/ Тя во úстине призывáющих.

Кре́постию поста́вил еси́, Безсме́ртне, си́льныя,/ соверша́ющия  
всесвяту́ю Твою́ во́лю,/ Тебе́ в вы́шних всегда́ предстоя́щия.

Та́инники Твоего́ вочелове́чения и честна́го воста́ния,/ А́нгельския  
чинонача́льники, Христé, за ны́ прими́ моля́щияся.

А́нгелы приста́вил еси́ храните́ли челове́ком, я́ко Благоутро́бен,/  
служите́ли же показáл еси́, Христé, спасéния Твои́х уго́дников.

**Богорóдичен:** Неизрече́нно зачала́ еси́ Го́спода и Спа́са,  
Богоневéсто,/ избавля́ющаго ны́ от лю́тых, Тя вои́стинне  
призывáющия.

**Ин Ирмо́с:** Ты еси́ утверждéние притека́ющих к Тебе́, Го́споди,/ Ты еси́ свет  
омраче́нных,/ и поёт Тя дух мой.

А́нгелов первей́ший и Трóицы свет вторы́й/ яви́лся еси́ нам,  
Миха́иле нача́льниче,/ ве́рно благохва́лящим тя.

Заре́ю Божéственныя благода́ти Гаври́ил ве́рно исполни́ всю  
зёмлю,/ Бо́жие проповéдав в плóти пришéствие.

Сопру́г приснопевáемый и светозáрная двóице невещéственная,  
свёты Бо́жия,/ ве́рно соверша́ющия ва́шу пámять пока́жите.

**Богорóдичен:** Воспе́ Исáия Твое́, е́же пáче ума́, Чи́стая, рождество́,/ пою́ и аз, да о́наго получú очищéния.

**Седáлен, глас 8:** Небéсных начальницы и первостоятелие высокопрестóльных и страшных,/ Божéственныя славы Михáиле и Гаври́иле Архистратíзи,/ А́нгелов чиноначáльницы, со все́ми Безплóтными,/ о служíтелие Влады́чни!/ О мíре непрестáнно моля́щися,/ испросíte оставлéние прегрешéных нáми,/ и мíлость, и благодáть обрестí в день сýдный.

**Слáва, и ны́не, Богорóдичен:** Богоблагодáтная, Чíстая, Благословéнная,/ благоутрóбия ráди щедрóт из Тебé Рóждшагося/ с вы́шними Сíлами, и Архáнгелы, и все́ми Безплóтными моли́ непрестáнно/ подáти нам прéжде концá мíлостивно прощéние грехóв/ и жити́я исправлéние, я́ко да обря́щем мíлость.

#### **Песнь 4**

**Ирмо́с:** Всел есú на кóни, апóстолы Тво́я, Гóсподи,/ и прия́л есú рука́ма Твои́ма узды́ их,/ и спасéние бысть еждéние Твоé/ вéрно пою́щим:/ сла́ва сíле Твоéй, Гóсподи.

Всел есú на А́нгелы, я́коже на кóни, Человеколю́бче,/ и прия́л есú руко́ю Твоéю брозды́ их,/ и спасéние бысть еждéние Твоé непрестáнно вопи́ющим:/ сла́ва сíле Твоéй, Гóсподи.

Покрыва́ет А́нгелы добродéтель Тво́я, Человеколю́бче,/ и земли́ исполня́ет концы́ Твоего́ сла́внаго, Безначáльне, Божéственного хвалéния,/ с нíми Тебé вопи́ющим:/ сла́ва сíле Твоéй, Гóсподи.

Изшéл есú, Ще́дре, на спасéние людéй Твои́х, Христé,/ созывáеши же дрúги, Сíлы Тво́я,/ и весéлие бысть пришéствие Твоé вéрно Тебé вопи́ющим:/ сла́ва сíле Твоéй, Гóсподи.

**Богорóдичен:** Дéва и Мáти преестéственно яв́илася есú, Всечíстая,/ я́ко Бóга, Тогóжде и Челове́ка Хрiста, рóждшая./ Емúже со стра́хом вопи́ют А́нгельския чíни:/ сла́ва сíле Твоéй, Гóсподи.

**Ин Ирмо́с:** Ты моя́ крéпость, Гóсподи,/ Ты моя́ и сíла,/ Ты мой Бог, Ты моé ráдование,/ не оста́вь нéдра Отча/ и нáшу нищету́ посетív./ Тем с проро́ком Авваку́мом зовú Ти:/ сíле Твоéй сла́ва, Человеколю́бче.

Во Иерихóне яв́ися сíлы Госпóдни Архистратíг вою́ющему дрéвле Иисúсу Навiну,/ победотвори́ и побóрствуя, Михаи́л вели́кий, Безплóтных начальник сый,/ от него́же приéм сíлу, слугá Госпóдень,/ копи́ем пленív, ят сопостáты.

Начальник некогда Безплотных сил явися, носі чада благовещения,/ Захарии иерею Гавриил великий и Божественный истинно Архангел,/ темже глас Словесё родивыйся Иоанн отцу своему глас проглаголения отдаёт.

Радуются радостию вси концы земнии днесь,/ честную память празднующе Архангелов Твоих, Бóже,/ Михайла Божественнаго и Гавриила Богомудраго;/ срадуется же купно и весь Ангельский чин,/ яко сохраняется мир покровом их.

*Богородичен:* Еди́на Чистая пребыла еси́ и по рождествё,/ еди́на то́кмо явилася еси́ Безму́жная, млекóм пита́ющая Сло́во О́тчее истинное,/ Ду́хом Святы́м приёмшее ра́бий зрак по нам, Де́во Богородице,/ Егóже, Божественное чту́ще зра́ка подобие, почита́ем.

### Песнь 5

*Ирмос:* От но́щи невѣдения/ по душелови́тельному путі́ прісно блудя́щаго,/ све́том ра́зума Твоего́, Го́споди, преднаставля́я мя,/ на стезю́ за́поведей Твои́х напра́ви.

Невозвратным желанием прісно к высотё,/ к тебё, Христё, носими, крайнейшему всех желаний,/ Ангельския сілы непрестанно Тя славят.

Ты умныя по существу́, нетленныя благодатию Твоею́, Христё,/ устроил еси́ песнопевцы Твоего́ величества,/ Ангелы Твоя́ по образу соделав, Непостижиме.

Ты непреклонны на горшее к Тебё приближением, Христё,/ сохранил еси́ Твоя́ слуги́,/ источник бо бла́гости Ты еси́,/ благодвори́ши досто́йно Тебё служа́щия.

*Богородичен:* Умерщвлённую мою́ ду́шу страстьми́ ме́рзкими, Всенепоро́чная, оживи́,/ жи́зни Хранителя́ ро́ждшая,/ и к стези́ ве́чней, и блаже́нней жи́зни упра́ви.

*Ин Ирмос:* Вскую́ мя отрину́л еси́/ от лица́ Твоего́, Све́те Незаходимый,/ и покрыва́ла мя е́сть чужда́я тма́, ока́яннаго,/ но обрати́ мя и к све́ту за́поведей Твои́х/ путі́ моя́ напра́ви, молю́ся.

Непокаряющуся дрёвле Бóжиим неизречённым/ и Божественным чудесём Вала́аму волхвú,/ на распúтии Ангел, ослу́ явівся, стра́шно обличи́/ и, словесно живóтное показав, естества́ премені́ познание.

Яту бѣвшу Петру и в темнице пребывающе,/ Ангел явися Божий,  
от рук Иродовых, и уз, и смерти избавляя./ Темже, приидите вси, яко  
душ хранители Божественныя,/ мудрыя Архангелы да почитим.

Браней крамолы, Ангели, Архангели, Божественныя силы Божия,  
и церковныя ереси, и вся соблазны вашими разрешите к Богу  
присными мольбами/ и нас в мире соблюдите.

*Богородичен:* Во дву существах Единого Тя ве́мы, Бога твари,/  
дѣйствы обѣма и хотѣнии суща неслѣтна, Сына Божия, от жены  
плоть приимша,/ Еяже образ почитаем на дщѣцах.

### *Песнь 6*

*Ирмос:* Иону в ките, Господи,/ единого вселѣл еси,/ мене же, связаннаго  
мрежами вражиими,/ яко от тли онаго, спаси.

Благолѣпне от не сущих, Господи,/ словом Твоим привел еси  
существа Небесных безсмертных воинств,/ световидны тѣя  
содѣловая.

Тайнницы честнии Божия хвалѣния бѣсте, Безплотнии,/ граждане  
небесныя и Божественныя истинно скѣнии,/ Творцу достойно  
служаще.

Безплотных чѣни умнии/ Тя, Сыне Божий пребезначальный,  
хвалят непрестанно/ и славословят, яко Творца и Создателя  
всяческих.

*Богородичен:* Со Отцем в вѣшних, Пречѣстая, безначальне  
сѣдѣщаго,/ на объятиих Твоих восклонѣти сподобилася еси:/ Егѣже  
нам подаждь, Чѣстая, рабом Твоим, Милостива.

*Ин Ирмос:* Очисти мя, Спасе,/ мно́гя бо беззаконя моя,/ и из глубины зол  
возведи, молюся:/ к Тебѣ бо возопих, и услыши мя,/ Бѣже спасѣния моего.

Яко огнь, и пламень, и свет, Безплотныя сущия,/ от вещественныя  
тли умом восперяеми,/ брѣнными устнами невещественныя со  
страхом пѣсньми да почитим.

Умертвите страстей бури, Архангели,/ и утишите с ними  
возмущѣния вся на веру,/ святѣи Троицы сущѣ огнезрачнии  
Архистратѣзи.

Архангели Божии, Безплотных начальницы,/ предстательством твоим от всякия ереси нас сохрани, Михаиле начальниче и Гаврииле, Архистратизи.

*Богородичен:* Из утробы явился еси волею, от Неискусомужных воплощаемь,/ безплотен сый, яко Бог, Христэ,/ плотnoseц же, яко Человек, был еси./ Егоже подобия, вернии, вид почитаем.

*Кондак, глас 2:* Архистратизи Божии,/ служителие Божественных славы,/ Ангелов начальницы и человеков наставницы,/ полезное нам просите и велию милость,/ яко Безплотных Архистратизи.

*Икос:* Рекл еси, Человеколюбче, в писаниих Твоих/ множеству радоватися Ангелов на Небесех/ о человеце едином кающемся, Безсмертне./ Темже мы, иже в беззаконных, Безгрешне,/ едины Сердцеведче,/ Тя молити всегда дерзаем, яко Благоутробнаго,/ ущедрити и низпослати недостойным умиление, Владыко,/ подай нам прощение:/ о всех бо нас молятся Тебе Безплотных Архистратизи.

#### Песнь 7

*Ирмос:* Отроцы еврейстии в пещи/ попраша пламень дерзновенно/ и на росу огонь преложивша, вопиюще:/ благословен еси, Господи Боже, во веки.

Светы явил еси, Щедре, Ангелов Твоих неведственное существо,/ неизреченнаго света исполняеми непрестанно,/ благословен еси, зовущия, Боже, во веки.

Емуже предстоят непрестанно, служаще, тьмы Ангелов,/ лица же зрети не терпят зрения,/ благословен еси, зовуще, Господи Боже, во веки.

Словом Твоим Ипостасным Ангельское естество соделал еси,/ освятив же Божественным Духом,/ Троицу Богословити научил еси, Боже, во веки.

*Трѳичен:* Три убо, умствующе, Ипостаси, неописанное славим существо,/ Отца, Слова со Духом, вопиюще:/ благословен еси, Господи Боже, во веки.

*Ин Ирмос:* От Иудеи дошедше, отроцы/ в Вавилоне иногда/ верою Троицескою  
пламень пещный попраша, поюще:/ отцев Боже, благословен еси.

С лики Безплотных и человеческий род,/ приидите, поклонимся в  
благознаменитый день сей,/ память совершающе мудрых  
Архангелов Христовых,/ Свят, Свят, Свят, поюще, Боже отец наших.

Яко страннолюбивии древле, Авраам Богоvideц и Лот славный,  
учредиша Ангелы/ и обретоша общение со Ангелы, зовуще:/ Свят,  
Свят, Свят еси, Боже отец наших.

Маню доблественному и Товиту премудрому явися Ангели,/  
воздающе натрижнению жития по достоинству;/ и отроков Ангел  
угаси пламень иногда,/ в пещи огненной сущих.

*Богородичен:* Все наше по существу от Девы понесл еси, кроме  
изменения, Иисусе,/ естество сугуба, но единого Ипостасию,  
отечески Тя проповедуем,/ Егоже и вид верно почитаем,  
изображующе.

#### Песнь 8

*Ирмос:* На горе святей прославльшася,/ и в купине огнем/ Приснодевы Моисеови  
тайну явльшаго,/ Господа пойте/ и превозносите во вся веки.

Ангельскому поревнуим житию, и мысли вперим к высоте,/ и с  
ними невещественно воспойм Господа,/ поюще и превозносяще во  
вся веки.

Ликовственницы ликования Небеснии,/ Престол обстоюще славы,/  
окрест Бога же всегда обращающиеся,/ Ангели поют и превозносят  
Его во вся веки.

Невещественного огня творящей пламень,/ на высоте непрестанно  
служащая, и Ангелы духи являющей,/ Троице поклоняемся и  
славословим во вся веки.

*Богородичен:* Емуже на Небеси предстоят с трепетом тьмы Ангел и  
Архангел,/ Того на объятиих носити сподобилася еси, Богородице,/  
моли спастися славословящим Его во вся веки.

*Ин Ирмос:* Седмерицею пещь/ халдейский мучитель/ Богочестивым неистовно  
разжже,/ силою же лучшею спасены сия видеи,/ Творцу и Избавителю вопияше:/  
отроцы, благословите,/ священницы, воспойте,/ людие, превозносите во вся  
веки.

Начáльник А́нгелов бысть Миха́йл Арха́нгел,/ но сла́вится с ним  
светле́е та́инник благода́ти и Де́вы обручи́тель честный,/ воево́да  
Безплóтных, досто́йно ра́дость предвозвеща́я, Гаври́л, вопи́ющим:/  
лю́дие, превозно́сите Христа́ во вся ве́ки.

А́нгельския́ чи́ны в разли́чном зра́це уви́дев,/ Иезеки́иль,  
 предска́зую, пропове́даше:/ в ни́хже шестокри́льнии Серафи́ми  
предстоя́ху,/ и Херув́ими многоочи́тии окружа́ху,/ с ни́миже  
Арха́нгелы пресвѣтлыя зри́ще,/ Христа́ славосло́влящая во вся ве́ки.

Я́ко стра́шно прише́ствие второ́го седа́лица Твоего́ явленнотворя́,/  
Дани́л предглаго́лаше:/ я́ко престóли поста́вишася, и Вѣтхий  
седя́ше, и тьмы А́нгелов ввожда́ше,/ со стра́хом предстоя́щая и  
гла́сы немóлчными вопи́ющия Трóице во вся ве́ки.

**Богорóдичен:** Отцу́ и Ду́ху Единосúщенное, Сло́во волею́ яви́ся,/ и нам,  
из Де́вы, сообра́зен,/ не смесíв в друг дру́га, я́же стра́шнаго  
соедине́ния:/ Еди́н бо и То́йжде во обо́их показу́ется,/ во дву  
существо́вах и Еди́ной Ипостáси./ Его́же ны́не подо́бия о́бразу  
покланя́емся.

**Пѣснь Богорóдицы:** Вели́чит душа́ моя́ Го́спода: *<см. основной Чин>*

*Песнь 9*

**Ирмо́с:** Уста́вы прешла́ еси́ естество́,/ Содѣтеля́ заче́нши и Го́спода,/ и дверь  
спасе́ния ми́рови была́ еси́./ Тем Тя, Богорóдице,/ непреста́нно велича́ем.

Тя, неизрече́нно соединíвшаго небѣ́сным, Христѣ́, земна́я/ и еди́ну  
Цѣрковь соверши́вша А́нгелов и челове́ков,/ непреста́нно велича́ем.

А́нгели же и Арха́нгели,/ Престо́ли, Вла́сти и Госпо́дства,/ Нача́ла  
же и Си́лы, Херув́ими и Серафи́ми,/ с Богорóдицею о ми́ре моли́теся.

Всех предста́телие показу́ющися, Миха́йл с Гаври́лом,/ посетите́  
от любве́ чту́щая всепра́зднственную па́мь ва́шу и ве́рно  
воспева́ющия:/ спаса́йте от вся́каго обстоя́ния.

**Богорóдичен:** Ра́дуйся, святáя Богоневѣ́сто!/ Ра́дуйся, Свет ми́ру  
ро́ждшая ве́рным!/ Ра́дуйся, стено́ и покрóве всех нас:/ Бо́га, я́ко  
Благоде́теля, за ны непреста́нно моли́.

**Ин Ирмо́с:** Вои́стинну Богорóдицу,/ Тя испове́дуем,/ спасѣ́ннии Тобо́ю, Де́во  
Чи́стая,/ с Безплóтными ли́ки Тя велича́юще.

Недугующих, и плавающих, и сущих в нуждах/ ко спасению поборницы явистесья,/ Безплотных первии, Михайле и Гаврииле.

Сил и Престолов Божественных сликóвственник,/ яко Воевода Ангельский и тайнник Божий,/ о нас Спасу, Гаврииле, молися.

Яко хранителие мира и Церкви/ и чиновачальницы Вышних сил,/ о нас Спаса умолите.

**Богородичен:** Согласно, Богородице, Тя славословим,/ яко от страстей и бед спасаеши ны/ и наша моления во благих исполняеши.

*<далее см. основной Чин>*

*Изменяемое №9*

**Светилен:**

Огненных, Архистратиге, слуг предстательство от Отца приял еси, Михайле, светов,/ тем и сияние Того славы сияющее имаши,/ округ пречистаго Престола ты предстои,/ яко первый Невещественных чинóв.

**Слава:** Невещественных Сил, Архангел и Ангел,/ Господств, и Престол, и Начал предстатель пред Богом постоянный,/ Архистратиге Божественне, Михайле преславне,/ нестерпимому бо Престолу предстои,/ покрый, соблюди, сохрани и спаси вся, верою ты почитающия,/ мирскаго предстателя.

**И ныне, Богородичен:** Честнейшая еси Херувим славных и Серафим, Всепетая,/ страшных без сравнения славнейшая/ и всех святых Ангел святейшая, Пречистая:/ Зиждителя бо всех плóтски неизреченно родила еси, Богородице./ Егоже моли рабóм Твоим разрешенне даровати прегрешений.

*<далее см. основной Чин>*

*Изменяемое №10*

**На стихóвне стихиры глас 1:**

Ангельски в мире торжествующе,/ сущему на Престоле славы Богу сидящему возопийм песнь:/ Свят еси, Отче Небесный,/ Свят еси, соприносущщно Слово,/ Свят еси, и Душе всесвятый.

**Стих:** Творяй Ангелы Своя духи/ и слуги Своя пламень огненный.

Небесным первствуя в дерзновении мнозем/ и предстои Престолу страшному в славе,/ самовидче неизреченных,/ спаси ны, Михайле

**Архистратіже,/ сущія в нѹждах бед и напáстей/ молітвами твоїми,  
мóлимся.**

*Стих:* Хвалíte Егó вси А́нгели Егó,/ хвалíte Егó вся сѹлы Егó.

**Безплóтных А́нгелов пѣрвый есѹ/ и служѹтель Божѣственнаго  
светозарѣнія онаго,/ самовѣдец же и таїнник,/ спасѹ ны, Михаїле  
Архистратіже,/ лѣтно чтѹщія тя благочѣстно/ и поѹщія Трѹицу  
вѣрно.**

*Слáва, и ны́не, глас 8:* Я́ко чиноначáльник, и побóрник,/ и А́нгелов  
началовóждь, Архистрáтиже,/ всякія нѹжды и скóрби,/ недѹгов и  
лю́тых грехѹв свободѹ/ вѣрно воспевáющія и молящія тя, слáвне,  
я́ве, я́ко невещѣствен, Невещѣственнаго зря,/ и непристѹпным  
Свѣтом Влады́чнїя слáвы осїяемь:/ Той бо человеколѹбно плоть  
нас рáди от Дѣвы прїят,/ спасти́ восхотѣв челове́чество.

*<далее см. основной Чин>*

### Утром 21 ноября

*Изменяемое №11*

По 1-м стихослóвию седáльны глас 1:

**Престóлу стра́шному предстояще прїсно/ и свѣтлыми заря́ми  
трисóлнечнаго Божества́ осїяеми,/ просветíte ны, грехѹвный мрак  
отгоняюще,/ ваш собѹр прáзднующія свѣтло,/ и прилѣжно моліте  
избáвитися нам от бед, пресвѣтлїи молітвенницы.**

*Слáва:* Лик А́нгельскїй, Архистраті́га имѣя, Божѣственнаго  
Михаїла,/ с ним Святѣй Трѹице приношáет пѣние,/ от не сущих бо  
Содѣтель вся́ческих вѹинства огнезрáчных чинѹв слѹвом приведе́.

*И ны́не, Богорóдичен: <далее см. основной Чин>*

*Изменяемое №12*

По 2-м стихослóвию седáльны глас 2:

**Посредѣ полкѹв А́нгельских старѣйший явѹлся есѹ,/ Михаїле  
Архистратіже,/ Вы́шняго Царя́ непрестáнно молі/ дѹльных  
мучѹтелей горды́ню низложѹти./ И, я́ко имѣя дерзновѣние у  
Престóла огнезрáчнаго,/ молі за ны непрестáнно, рабы́ твоя́.**

*Слáва, глас 4:* Херувѹми и Серафѹми, многоочѹтая Архáнгелов  
служѹтелей вѹинства,/ со Властьмѹ Престóли, Госпѹдьства, А́нгели,

Сѣлы же и Начала/ молят Тя, Творца нашего, и Бога, и Владыку,/ да не презриши моления людей согрешивших, Боже Многомилостиве.

*И ныне, Богородичен: <далее см. основной Чин>*

*Изменяемое №13*

**Тропарь глас 4:**

Небесных воинств Архистратизи,/ молим вас присно мы, недостойнии,/ да вашими молитвами оградите нас/ кровом крил невещественная ваша славы,/ сохраняюще ны, припадающия прилежно и вопиющия:/ от бед избавите ны,/ яко чиновачальницы Вышних сил.

*<далее см. основной Чин>*

*Изменяемое №14*

**На хвалитех стихирь, глас 1:**

*Стих: Сотворити в них суд написан./ Слава сия будет всем преподобным Егб.*

*Стих: Хвалите Бога во святых Егб,/ хвалите Егб во утвержении силы Егб.*

*Стих: Хвалите Егб на силах Егб,/ хвалите Егб по множеству величества Егб.*

Небесных чинов яко предначальника/ и сущих на земли человеков крепкаго тя предстателя,/ хранителя же и избавителя/ воспеваем верно, Михайле Архистратиге,/ молящися всякия тлетворная болезни нас избавити.

*Стих: Хвалите Егб во гласе трубнем,/ хвалите Егб во псалтири и гуслех.*

Чиновачальник сый горних Божественных сил/ днесь созывает человеческия лики/ един со Ангелы светлый праздник составить/ собора их Божественнаго/ и купно песнь Богу воспети трисвятую.

*Стих: Хвалите Егб в тимпане и лице,/ хвалите Егб во струнах и органе.*

Под кров Божественных ны крил твоих прибегающия верою,/ Михайле, Божественный уме,/ соблюдай и покрывай чрез все житие./ И в час, Архангеле, смертный, страшный/ ты предстани помощник всем нам благоприемнейший.

*Стих: Хвалите Егб в кимвалех доброгласных, хвалите Егб в кимвалех восклицания./ Всякое дыхание да хвалит Господа.*

**Глас 4:** Трисолнечная лучи,/ Божественным Светом осияваемы, Архистратизи,/ невещественных озаряете чиновачалия,/ якоже свет, белообразне показующееся в вышних,/ огонь облистаете в мире неприступнаго Божества./ Тем и трисвятую песнь пламенными

устна́ми непреста́нно поёте:/ Свят, Свят, Свят еси́, Бо́же наш, сла́ва Тебе́.

*Сла́ва, глас 5:* Иде́же осеня́ет благода́ть твоя́, Арха́нгеле,/ оттúду диáволя прогóнится си́ла,/ не терпи́т бо све́та твоего́ ви́дети спады́й денни́ца./ Тем мо́лим тя,/ огненóсныя его́ стрéлы, яже на ны двíжимыя,/ угаси́ ходата́йством твои́м,/ избавля́я нас от собла́знов его́,/ достохва́льный Михаи́ле Архистрати́же.

*И ны́не, Богоро́дичен: <см. основной Чин>*

*Изменяемое №15*

Кондак *глас 2:*

Архистрати́же Бо́жий,/ служи́телю Божéственныя сла́вы,/ А́нгелов нача́льниче и челове́ков наста́вниче,/ полéзное нам проси́ и véлию ми́лость,/ я́ко Безплóтных Архистрати́г.

*<далее см. основной Чин>*

### На Литургии

*Изменяемое №20*

Прокимен, *глас 4:* Творяй Ангелы Своя духи,/ и слуги Своя пламень огненный. *Стих:* Благослови душе моя Господа, Господи Боже мой, возвеличился еси зело.

*Изменяемое №21*

Аллилуиа, *глас 5:* Хвалите Господа вси Ангели Его, хвалите Его вся Силы Его. *Стих:* Яко Той рече, и быша: Той повеле, и создашася.